



Na osnovu člana 108. a u vezi sa članom 41. Statuta Općine Lukavac – prečišćeni tekst („Službeni glasnik Općine Lukavac“ broj 5/08 i 1/14), a u vezi sa članom 27. Statutarne Odluke o organizaciji Grada Lukavac u skladu sa Zakonom o Gradu Lukavac („Sužbeni glasnik Grada Lukavac“ broj: 1/22), Budžeta Grada Lukavac za 2023. godinu („Službeni glasnik Grada Lukavac“ broj: 2/23, 9/23 i 10/23), Odluke o izvršenju Budžeta Grada Lukavac za 2023. Godinu („Službeni glasnik Grada Lukavac“ broj 2/23), Programa utroška sredstava Transfera Službe za društvene djelatnosti i upravu Grada Lukavac za 2023. godinu („Službeni glasnik Grada Lukavac“, broj: 6/23 i 11/23), Odluke o listi deficitarnih zanimanja, broju i iznosu stipendija za 2023 godinu („Službeni glasnik Grada Lukavac“ broj: 8/23), člana 6. stav 2. Pravilnika o kriterijima za dodjelu stipendija učenicima prvih razreda srednjih škola sa liste deficitarnih zanimanja sa područja grada Lukavac („Sl. glasnik Grada Lukavac“, broj: 8/23), Gradonačelnik Grada Lukavac, objavljuje

JAVNI POZIV

za dodjelu preostalih stipendija učenicima prvih razreda srednjih škola sa liste deficitarnih zanimanja sa područja grada Lukavac

I

- (1) Objavljuje se javni poziv za dodjelu preostalih stipendija učenicima prvih razreda srednjih škola sa liste deficitarnih zanimanja sa područja grada Lukavac za školsku 2023./2024. godinu (budžetsku 2023.).
- (2) U svrhu stipendiranja učenika i studenata sa liste deficitarnih zanimanja iz Budžeta Grada Lukavac za 2023. godinu, potrošačka jedinica 05, ekonomski kod 614 234 „Isplate stipendija“, izdvojit će se novčana sredstva u visini od 27.000,00 (dvadesetsedamhiljada KM i 00/100 pfeninga).
- (3) Po ovom Javnom pozivu bit će dodijeljeno 25 (dvadesetipet) učeničkih stipendija za učenike prvih razreda srednje škole sa liste sljedećih deficitarnih zanimanja:

MAŠINSKA STRUKA

Redni broj	Zanimanje
1	Mašinski tehničar CNC operater
2	Zavarivač
3	Limar/autolimar
4	Bravar
5	Metalostrugar
6	Automehaničar
7	Vozač motornih vozila
8	Električar



RUDARSKA STRUKA

Redni broj	Zanimanje
1	Rukovalac rudarske mehanizacije površinskog kopa

UGOSTITELJSKA STRUKA

Redni broj	Zanimanje
1	Kuhar
2	Konobar
3	Trgovac
4	Operator hemijsko-tehnoloških procesa

GRAĐEVINSKA STRUKA

Redni broj	Zanimanje
1	Zidar
2	Armirač
3	Tesar
4	Stolar

TEKSTILNA STRUKA

Redni broj	Zanimanje
1	Krojač
2	Obučar

II

- (1) Stipendije se dodjeljuju za vrijeme trajanja jedne školske/akademske godine, tj. za 9 mjeseci jednokratno i iznose 120,00 KM (stotinudvadeset KM) po mjesecu.
- (2) Stipendije se dodjeljuju na osnovu uspjeha ostvarenog u prethodnoj školskoj godini.
- (3) Pravo na dodjelu stipendija imaju učenici prvih razreda srednjih škola sa liste deficitarnih zanimanja koji imaju prebivalište na području grada Lukavac

III

- (1) Pravo na dodjelu stipendija bez bodovanja ostvaruju učenici generacije za prethodnu školsku godinu iz osnovnih škola sa područja grada Lukavac.
- (2) Stipendije se dodjeljuju ravnomjerno po kategorijama deficitarnih zanimanja. Ukoliko iz jedne kategorije deficitarnih zanimanja nema dovoljan broj kandidata, stipendije će se dodijeliti učenicima drugih kategorija ravnomjerno.
- (3) Ukoliko ukupan broj kandidata koji ispunjavaju opće uvjete za stipendije ne bude veći od ukupnog broja stipendija, kandidati koji ispune opće uvjete ostvarit će pravo na stipendiju bez bodovanja.
- (4) Ukoliko ukupan broj kandidata koji ispunjavaju opće uvjete za dodjelu stipendija, bude veći od ukupnog broja raspoloživih stipendija, Komisija će bodovati prijave kandidata, i pravo na dodjelu stipendije ostvarit će kandidati na osnovu rang liste do raspoloživog broja stipendija predviđenih za tu kategoriju.

IV

(1) Opšti uslovi za dodjelu stipendija su:

- da je kandidat državljanin BiH,
- da kandidat ima prebivalište na području grada Lukavac,
- da je kandidat redovan učenik koji je prvi put upisan u prvi razred srednje škole sa liste deficitarnih zanimanja
- da nije korisnik stipendije po drugom osnovu iz budžeta bilo kojeg nivoa vlasti.

(2) Uz prijavu na javni poziv za dodjelu stipendija kandidati su dužni priložiti:

- zahtjev za dodjelu stipendije,
- uvjerenje o državljanstvu,
- kućna lista,
- ovjerena Izjava da kandidat nije korisnik stipendije ili naknade po drugom osnovu iz Budžeta bilo kojeg nivoa vlasti,
- uvjerenje o mjestu prebivališta - CIPS obrazac,
- potvrda škole o statusu redovnog učenika,
- svjedočanstvo o završenom devetom razredu i uvjerenje o prosjeku ocjena,
- dokaz o statusu i primanjima za sve članove domaćinstva (za zaposlene uvjerenje pravnog lica o prosjeku posljednje tri mjesečne plate; za privatne poduzetnike uvjerenje nadležne porezne ispostave o izmirenim poreznim obavezama vlasnika samostalne djelatnosti i uvjerenje o ostvarenom dohotku za prethodnu godinu; za penzionere kopija posljednjeg čeka od penzije; za nezaposlene uvjerenje nadležne službe za zapošljavanje; za nezaposlene koji nisu na evidenciji Službe za zapošljavanje uvjerenje nadležne porezne ispostave o statusu osiguranja; za redovne učenike/studente uvjerenje o statusu učenika/studenta; za članove domaćinstva mlađe od 6 godina koji ne pohađaju osnovnu školu, kopija izvoda iz matične knjige rođenih, bez dodatnog ovjeravanja i neovisno od datuma izdavanja),
- uvjerenje o pripadnosti nekoj od boračkih kategorija,
- uvjerenje Centra za socijalni rad o priznavanju statusa civilne žrtve rata ili statusa korisnika stalne socijalne pomoći,
- za aplikante bez jednog ili oba roditelja dostaviti smrtni list,

- potvrda banke o broju transakcijskog računa na koji će se vršiti uplata, ako će se uplata vršiti na transakcijski račun roditelja djeteta dostaviti i kopiju lične karte roditelja (NE DOSTAVLJATI KOPIJU KARTICE RAČUNA).

(SVE DOKUMENTE POTREBNO JE DOSTAVITI SLOŽENE I NUMERISANE REDOSLIJEDOM KAO U PRIJAVI).

V

- (1) Javni poziv ostaje otvoren 15 (petnaest) dana od dana objavljivanja na oglasnoj ploči i web stranici Grada Lukavac.**
- (2) Komisija za dodjelu stipendija razmotrit će pristigle prijave na javni poziv, sačiniti zapisnik o radu, izvršiti bodovanje i utvrditi privremenu rang listu kandidata koji ispunjavaju uslove propisane javnim pozivom.
- (3) Privremena rang lista kandidata za dodjelu stipendija objavljuje se na oglasnoj ploči i web stranici Grada Lukavac.
- (4) Na privremenu rang listu može se izjaviti prigovor drugostepenoj Komisiji Gradskog vijeća u roku od 8 (osam) dana od dana objavljivanja iste.
- (5) Odluku po prigovoru drugostepena Komisija donosi u roku od 7 (sedam) dana. Odluka drugostepene Komisije po prigovoru je konačna.
- (6) Nakon rješavanja prigovora, Gradonačelnik će utvrditi Konačnu rang listu kandidata za dodjelu stipendija, koja se objavljuje na oglasnoj ploči i web stranici Grada Lukavac.
- (7) Isplata finansijskih sredstava predviđenih Budžetom Grada Lukavac, vršit će se na osnovu Odluke koju donosi Gradonačelnik, na prijedlog nadležne službe.

VI

- (1) Korisnik stipendije gubi pravo na stipendiju ako u toku školske/akademske godine:
 - napusti ili izgubi pravo na redovno školovanje,
 - koristi stipendiju ili naknadu po drugom osnovu iz Budžeta bilo kojeg nivoa vlasti,
 - ako se naknadno utvrdi da je kandidat dao netačne podatke ili predao lažne dokumente.
- (2) O navedenim činjenicama korisnik stipendije je obavezan obavijestiti davaoca stipendije.

VII

- (1) Neblagovremene i nepotpune prijave neće se uzeti u razmatranje.
- (2) Pitanja u vezi sa javnim pozivom se mogu postaviti na broj telefona 035/366-737 ili lično u kancelariji br. 23.
- (3) Prijave na javni poziv sa dokumentacijom dostaviti na adresu:

**Grad Lukavac – Gradonačelnik
Komisija za dodjelu stipendija
Trg Slobode br. 1, 75300 Lukavac**

ili lično u šalter sali Grada Lukavac (šalteri 8 i 9), svakim radnim danom od 07 – 15:30.

Broj: 02-02-3664/23
Lukavac, 12.09.2023. godine

Obrađivač: Ž.Z.

Pomoćnik Gradonačelnika
Mirela Bubić, dipl.pravnik

GRADONAČELNIK
dr. sc. Edin Delić